

օգուտ քաղելով այդ դէպքից, ծանօթացրեց սուլթանին Հայաստանի մէջ մտցնելի վերանորոգութիւնները նախագծի հետ: Դիպլոմատական շրջաններում հաւատացած են, որ այդ առաջին փորձը Բ. Դրան վրա «համոզման ուժով» ներդրածը համար, աջողութիւն կունենայ և որ սուլթանը շուտով կուղարկի Հայաստան յիշեալ գործակաւորին: Այնքան է, որ սուլթանի համար դա միակ ելք է, քանի որ դեսպանները յամառութեամբ պաշտպանում են հայկական խնդիրը: Բայց արդեօք այդ գործն էլ օգտակար չի լինի Թիւրքիայի համար, արդեօք Բ. Դրանը օգուտ չի քաղի այդ դէպքից ժամանակ փաստակերտ համար:

ԱՆԿԻՒՈՒ

Գարփիղի յիշատակը յարգելու համար Լօնդոնի մէջ հոգեհանգիստ կատարվեցաւ, որին ներկայ էին մօտ 2000 մարդիկ: Դոյր սիւսկեցաւ մի հոգեւորականի կարգացած աղօթքով, որի վերջնական յետոյ ամերիկական դեսպան Լօնդոն մի երկար ծառով նկարագրեց Գարփիղի կենսագրութիւնը և հայրենիքին մատուցած նրա անձնական ծառայութիւնները: Հանգուցեալի անձնական բարձր յատկութիւնները թելուց յետոյ դեսպանը յորհակալութիւն յայտնեց անգլիական ժողովրդին և թագուհուն, որոնք ցաւակցութիւն յայտնեցին ամերիկական ժողովրդի վշտին, որ բաժանում են բոլոր դասակարգերի ամերիկացիները: Միացեալ Նահանգների նոր նախագահի մասին դեսպանը ասաց, որ անբաղաժարի է համարում քննադատել նրա բնասութիւնը: Մի քանի ուրիշ ծառերից յետոյ ժողովը վճիռ կայացրեց ցաւակցութիւն յայտնել հանգուցեալ Գարփիղի ընտանիքին:

Սեպտեմբերի 26-ին Պարնէլ վերադարձաւ Դուբլին: Չը նայելով, որ նա շատ ուշացաւ, այնու ամենայնիւ երկաթուղու կայարանի մօտ հաւաքվել էին մօտ 20,000 մարդիկ, որոնք իրանց հետ ունէին երաժշտութիւն, վառած ջահեր և որոնք ողևորութեամբ ընդունեցին կալուածական միութեան առաջնորդին: Ամբողջ նրան ուղեկցեց մինչև կալուածական ժողովի գումարման տեղը, ուր նրան մի ուղերձ ներկայացրին: Այդ ուղերձին Պարնէլ պատասխանեց մի ծառով, որի մէջ ի միջի այլոց նկատեց, որ Իրլանդիայի համար անհրաժեշտ է օրէնսդրական անկախութիւնը:

ՆԱՄԱԿ ԹԻՒՐԻՒԱՅԻՑ

Կ. Պոլսի, 14 սեպտեմբեր

Այստեղի հայ սօփոսաները, որ ասում է ինքն իր գէշնցիւ, դարձեալ առնում են նախկին նիւթ, մանաւանդ որ Թիւրքիայի մի քանի պարզամտները զարմանքով ասում են. «Ընչ ժամանակ է հիմա անտեսական կամ ուրիշ հարցերով զբաղվել, երբ ամենից զիտուրը հայոց հարցն է, որով և եթ հարկաւոր է պարապել: Ի հարկէ այդ մի այնպիսի նորութիւն չէ, որը արժան լինէր նաև լրագրի մէջ տպել, բայց ասեցէք խնդրեմ միթէ ուրիշ ներքին հարցերով զբաղողները չենք մի րոպէ մտածում են և հայոց հարցի մասին. իսկ գիշեր ցերեկ հայոց հարցի վրա միայն խօսելը արդեօք չաղակրատ պառակտ գործ չէր լինի, երբ մեր այս խնդիրը տարիներով առկա մնալով միայն այս քանի օրերս երևան ելաւ, այն էլ դարձեալ մեր բազմից ընդմիջվելով առ այժմ եզրկատական անցքերով: Այսպիսի հանգամանքների առաջ կանգնած լինելով հարկաւոր չէր արդեօք մի օր առաջ սկսել մտածել մեր ներքին գործերի վրա, ինչպէս Միացեալ կամ միւս ընկերութեանց գործն է: Բայց դիցուք թէ հիմա, այս րոպէիս

հարկաւոր է յիշաւ միայն և եթ, գիշեր և ցերեկ հայոց խնդրի վրա խօսել, բայց թող ներքին մեղ հարցնել այդպէս խօսողներին, թէ ինչ բան են անում նոքա արդեօք իրանց դարգաւորութիւններով: Եթէ հայոց խնդրի սիրահար պատգանդից են այսպիսիները, թող նոքա իրանք առաջինը մտածէին զոնէ այնպիսի գործնական նպատակների վրա, ինչպէս Եւրոպայում հայոց օրգան ունենալու կարեւորութիւնն է, ինչպէս օտար լրագիրների մէջ հայոց համար պարզապէս անելն է, ինչպէս թղթակցները դուռ դէն ուղարկելու հարցն է, ինչպէս արդէն հիմնական օրգաններն Վիեննայի մէջ օգնութիւն հասցնելու անհրաժեշտութիւնն է, ինչպէս այդ լրագրին յողումներն և նիւթ ուղարկելու կարելին է, և այլն և այլն:

Մինչդեռ ոչ մէկը այս ամենից չանելով, այլ բոլոր ժամանակ պարապելով միայն զանազան անձնական և մասնաւոր խնդիրներով, զանազան թատրոնական խնդիրներով, վեր են կացել այժմ բարոյ են կարողում թէ՛ հայոց հարցով է հարկաւոր պարապել: Այո, հայոց հարցով պէտք է պարապել, բայց ոչ լոկ դարդակ խօսելով: Վասնորոյ եթէ միայն լրագիրը լցնելու համար չեն հրատարակում նորան, այլ գործ յառաջացնելու համար, թող ուրեմն մի օր առաջ գործնական բաների ետեից ընկնեն, այլ ոչ թէ այստեղի հայ սօփոսաների պէս դարդակարանութիւններով ժամանակ անցնեն:

A propos ասն մի լաւ ապացոյց թէ որչափ անպիտան և փեսասկար աղիւնք են արտադրում ճարտար կերպով լրագիրների և զանգունների մէջ հայրենասիրական վարդապետութիւններ անողները՝ «Journal d'Orient»-ի երևան գալու օրից ի վեր Կ. Պոլսի մէջ միայն երեք քառանորդ գտնվեցաւ, մինչդեռ քանի երեք հազար անգամ երեք մարդիկ կարելի է տեսնել այստեղ, որոնցից իւրաքանչիւրը «հայոց հարց», «անի հայոց հարց» է ազդակում, յայտնի պոռոտախօսող մի խմբագրութեան նման: Անս այդպէս են օգնում հայոց հարցի յառաջդիմութեան և Սօսիւնի ընկերակից Կիօզնէնները և Եղիա մարգարէները:

Պ. Մինաս Չերազի հետ արդէն խօսեցինք, որ այսուհետեւ մի անգամ ընդ միշտ կանոն դրվի, իւրաքանչիւր չօրս ամիսը մէկ, լրագրական միջոցով դրամական և ուրիշ ներքին կարգադրութեանց բոլոր հայրենները աղդին, ներկայացնելու տեսնելը թէ ընդհանուր ժողովի անդամներն էլ կը համաձայնվեն դրա հետ: Չը նայելով որ կան մի քանի յետադէմ անձինք այդ ժողովի մէջ, բայց յուսանք, որ Միացեալ ընկերութիւնը ընդունակ կը լինի մի ճշմարիտ և իստակ գործ կատարելու, քանի որ ճանաչում ենք նոր տնօրէն ժողովի բարեացակամութիւնը և լաւ տրամադրութիւնը:

Բայց թող Թիւրքիայի սօփոսաները մի անգամ ընդ միշտ հաշտվեն, որ նոքա չեն ընդունակ ոչ միայն հայոց խնդրի վերաբերմամբ մի իրական միտք յայտնել, մի նոր ինքիդատով ունենալ, այլ արքայութիւն գնալու գործի մէջ անգամ նոքա պիտի միշտ լինեն նոյն նախանձինք խնդրողները, նոյն բիթամիտ «հեռախօսները», կոյր «սրտեանները» և սանձաւախակ «ազգաւորները», ինչպէս եղել են գոթա մինչև հիմա ևս և կը մնան իրանց յետնորդների մէջ մինչև այնպիսի վերջը, մինչև նոր ջրհեղեղը Մարդի գանգը, ուղեղը, բարոյականութիւնը փոխելը չնշտ բան չէ, զորոս համար որչափ ժամանակ և թշնամ են հարկաւոր, որչափ բան է հարկաւոր հասկացնելու համար Կ. Պոլսի «պոլիթիկաներին» ևս թէ լրագրութիւնը մի այսպիսի ժամանակ, ազգի վերածնութեան չենք սկզբումը կաշառ առնելու և պատիւ փառաւորութեամբ աստարդ չը պիտի լինի, բայց ինչ, միթէ սոքա բան կը հասկանան, միթէ սոքա կուղղվեն. երկէ չէր միայն արդեօք որ թէ Երջի մէջ ի Լիֆ քեաւ աստիճ լրագրի խմբագիրը հրապարակապէս յայտնեց թէ Մասիսի այնպատակից Բիւզանդ Քէչէնան իր խումբագրութիւնը մտնելով մէկ ոսկի փող է գողացել, որի պատճառաւ Մասիսն էլ երկու օր է որ արգարացման յողումներով է զբաղեցնում հասարակութիւնը: Իսկ ժողովուրդը յուսահատ կերպով հարկի կողմից ճիշ է բարձրացնում ասելով. «ամեն, միթէ մեր ազգային ցաւերը Մասիսի գողութիւնն կամ թէ Երջի մէջ ի քեաւ փաստաբանական ապացոյցներ են», բայց ի՞նչ մի կարող է ազգել ժողովրդի թշուառ և անտէր վիճակը. այսօր միմանց կերպով կարող է ապրել, նա ստիպված է միշտ

զոդ, «սրիկայ» կասեն, վաղը միմանց հետ մի քանի մէջիկով հաշտվելով, կը սկսեն միմանց գովել և «մեծ», «անմաղ», «սքանչելի» ու «անհարկ» ասել: Անս այնչափ է ընկած Կ. Պոլսի մէջ հայ հրապարակախօսութիւնը, այս կէտն է հասել այստեղի ինտելիգենցիայի բարոյական և մտաւորական դրութիւնը. դէ՛հ եկէք ու ուժ ունեցէք ձեզ դպել ու սոցա հետ քաղցր խօսել...

Անս ձեզ մի նոր ապացոյց այստեղի լրագրութեան և ինտելիգենցիայի մէջ բոլորովին ազգային անկեղծ զգացմունք չը լինելուն. ամբողջ մի շարք է, որ Խարբերի Վիլայէթում ստակալի հեղեղներից գրեթէ հիմքից կործանվել է Այն հայաբնակ քաղաքը իր բազմաթիւ հայ զիւղերով: Հեղեղի մէջ անյայտացածների թիւը հաշուում են մօտ երեք հարիւր հոգի, էլ չեն խօսում այն միլիոնաւոր ոսկի փնաթի մասին, որ հասել է խեղճ ջրատարների ունեցածներին: Այս մասին ոչ մի հրաւեր, ոչ մի շարժում ազգային ժողովի և այստեղի եօթը հայ լրագիրների կողմից: Ինչպէս էք գտնում այս, Հայաստանը թող հարկի անգամ կործանվի, սոցա ինչ, սոցա համար հերիք է, որ միմանց ազգասէր ասեն և լրագիրների մէջ միմանց գովեն Սօսիւնի նմանները:

Գրեգոր Նիկողոսեան

ԱՄՏԱԿԻՆ ԼՈՒՐԵՐ

—Կ. Պոլսից լրագիրներին հաղորդում են, որ պետութիւնները հրամայել են Կ. Պոլսի իրանց դեսպաններին որոշել այն հարկի գումարը, որ Բօզգաբան պարտաւոր է վճարել Թիւրքիային: Միայն ուստաց կառավարութիւնը, եթէ հաւատանք անգլիական լրագրների խօսքերին, ոչ մի հրաման չէ ուղարկել այդ բանի մասին պ. Նօսիկովին:

—«Polit. Corresp.» լրագրին գրում են, որ զիւլայմատիական շրջաններում ծանր կերպով քննվում է սպանական զօրքերով Եգիպտոսը գրաւելու նախագիծը: Ֆրանսիական, անգլիական կամ թիւրքաց զօրքերի մասնակցութիւնը նշանաւոր արդենքների կարող էր պատահել: Այն ինչ Սպանիան այդ դէպքում կը գործէր, որպէս Թիւրքիայի անկեղծ դաշնակից, և միջնորդ դատաւորի դերը կարող էր խաղալ Արեւելեան հարցի մէջ: Այդ առիթով Լօնդոնի «Daily Teleg.» լրագիրը նկատում է. «Այդ միտքը Մադրիդում չէ ծնվել, երիտասարդ Թագաւորը և նրա կարիւնէտը, որոնք ընդհանուր յարգանք են վայելում իրանց զգոյշ արտաքին քաղաքականութեան պատճառով, չեն կարող չը գիտենալ, որ Անգլիայի կողմից վճարական բողոք կը բարձրանար Եգիպտոսը սպանականութեամբ գրաւելու դէմ»:

—Փարիզից լրագիրներին հաղորդում են, սկստեմբերի 20-ից, որ յեղափոխական յանձնաժողովների մասնաւոր ժողովը, աչիւ առաջ ունենալով Տօնիսի գործերի դրութիւնը, վճանք մէկ բազմամարդ ժողով հրաւիրել միմիատրութեանը գտնի ենթարկելու հարցը վճելու համար: Այստեղի թիւրքաց դեսպանութիւնը պաշտօնապէս հերքում է «Gaulois» լրագրի հրատարակած լուրը Մէկկայում պատահած ապստամբութեան մասին:

—Գերմանական լրագիրները հաղորդում են, որ պրոֆէսոր Ազոլֆ Վադելը ընտրողների լազմամարդ ժողովի մէջ մէկ ճառ ասաց, և ի միջի այլոց յիշեց, որ մանր բաների ետեից ընկնելը միայն կարող է գրգել մեզ ընդդիմադրել կառավարութեան մեծ գաղափարներին, որի միակ նրպատակն է՝ Գերմանիան, թէ դուրսը և թէ ներսը զօրեղ դարձնել, Զետոյ հառախօսը յայտնեց, որ ինքն կաթոլիկ եկեղեցու հետ եղած կույ վերջացնելու կողմը կը լինի և ձայն չի տալ չըրէաների դէմ եղող բացառական օրէնքներին:

ԽԱՌՆ ԼՈՒՐԵՐ

Նորերումս Պետերբուրգ հասաւ մէկ ամերիկացի հարուստ մարդ, Մակէյ անունով, որը 600 միլիոն դոլար կարողութիւն ունի, բայց չը նայելով իր բոլոր հարստութեանը, ամենաթշուառ մարդն է աշխարհում: Նրա անթիւ հարստութիւնները այնպիսի բացառական դրութեան մէջ են գտնւում նրան, որ միայն ծածկված և գաղանթի կերպով կարող է ապրել, նա ստիպված է միշտ

ծպտեալ կերպով ճանապարհորդել: Ոչ մէկ հիւրանոցի տէր չը գիտէ նրա իրական անունը. նա երբէք չէ դիմում իր տէրութեան դեսպանութեանը կամ հիւպատոսութեանը և նրա բանկիրները պարտաւորված են զաղանթի պահել նրա ներկայութիւնը: Նա ստիպված է այդ միջոցներին դիմել, եթէ ոչ նա մի րոպէ հանգիստ չէ կարող ունենալ. բոլոր թշուառները նրա օգնութեան են սպասում, գիւտ անողները աշխատում են հետաքրքրել նրան իրանց գիւտով, բարեգործական հիմնարկութիւնները ուղարկում են նրան իրանց ստորագրութեան թերթերը զօհաբերութեան համար: Ոչ մի տեղ և երբէք նա հանգիստ չունի: Ամենքը պաշարում են նրան խնդիրներով: Մի և նոյն ժամանակ Մակէյ բարի մարդ է և չէ սիրում որ իր արած բարեգործութիւնները հրատարակվեն: Նա այժմ 45 տարեկան է, ազգով իրլանդացի է և կաթոլիկ կրօնին է պատկանում: Ս. Պետրոսի ժապաւնը կարող է նրա առատաձեռնութեան վերայ լինել: Քսան տարի առաջ նա ուղևորվեցաւ հեռու արևելքը բազմ որոնելու և միլիոններ զարմաւ, բայց այժմ սկսում է համոզվել, որ Կրէստս լինելն ևս ունի իր մութ կողմերը:

Լօնդոնի բժշկական «Lancet» լրագիրը գրում է, որ իրան յաջողվեցաւ աշխարհիս ամենամեծ մարդու հետ ծանոթանալ. դա Միլայէլ Սօլիս անունով մէկն է, որը Սալվատորում է ապրում: Նա իրան 180 տարեկան է համարում, իսկ հարեանները պնդում են, որ նա աւելի ծեր է, որովհետև քաղաքի ամենամեծ բնակիչները յիշում են իրանց հայրերի և պապերի պատմածներից, որ նրանց երիտասարդութեան ժամանակ Սօլիս արդէն ծեր մարդ էր: Նրա ստորագրութիւնը 1712 թիւից գտնվեցաւ ուրիշների թուում, որոնք մէկ վանք հիմնելու մասնակից էին եղել: Ներկայ ժամանակում ծերունու դէմքը զեղնագոյն է և նման է մագաղաթին: Մազերը ձիւնի նման սպիտակ են: Նա իր կենտրոն երկարատեւութիւնը բացատրում է իր կանոնաւոր և չափաւոր կենսաբով: Նա օրը միայն մէկ անգամ է ուտում, իւրաքանչիւր ամսվայ մէկին և տասն և հինգիս խիտ ծով է պահում: Խմում է միայն անղաւոր բաներ և երբէք տաք կերակուր չէ ընդունում: Նրա կարծիքով, բնութիւնը միշտ սառը բան է պահանջում:

Բերլինի թատրոնական կենտրոնում մեծ ազմուկ բարձրացրեց նորերումս «Der Berliner Courier» լրագրի հետ պատահած սկանդալը: Բանը նրաւում է, որ գերմանական թերթը յամարանց երիտասարդ և հասարակութեան սիրելի դերասանուհուն, տիկին Լիլի Լէմանին՝ Վիլհելմոված ազգիկը բաւականութեամբ դատաւ մէկ անտոյր և վճարական միջոցով գնալով խմբագրութիւնը, նա, լրագրի բոլոր աշխատակիցների ներկայութեամբ, ապստակ տուեց պ. Բօրէրտ Կաւիզսօնին, միբաւորիչ յողումով հեղինակին և հրատարակչին: Տիկին Լէմանին ուղեկցում էր կայսերական թատրոնի արտիստ Դոսկհաուզէն: Պ. Կաւիզսօնը նրան մեծամարտի հրաւիրեց, բայց Դոսկհաուզէն չը համաձայնվեց մենամարտել նրա հետ, պատճառ բերելով, որ պ. Կաւիզսօն առաջին անգամ չէ, որ այդպիսի միբաւորանք է կրում, և հաստատեց իր խօսքերը անհերքելի ապացոյցներով: Տեսնելով Բերլինի հասարակութեան ընդհանուր գայլայթը, բամբասող ժուրնալիստը ստիպված էր փախչել քաղաքից և զաղարկեց իր հրատարակութիւնը:

ՄՇԱԿԻ ՀԵՌԱԿԻՐՆԵՐ

ՄԻՋԱԶԳԱՅԻՆ ԸՆԿԵՐՈՒԹԵՆՆԵՐ

Ս. ՊԵՏԵՐԲՈՒՐԳ, 28 սեպտեմբերի: Ծառաթ օրվայ երեկոյեան նիստի ժամանակ խմիչքների խանութների թիւը քաջանելու մասին խորհրդակցութիւնները չը վերջացան: Այստեղի բանկերը և բանկային տնէրը վճռել են ներքին նոր փոխառութեանը ստորագրվել 66 միլիոն ռուբլ: Պօրեղանօցիկի Վարչապալ գնալու պատճառը վերաբերում են ցանկութեանը ծանօթանալ նախկին ունիատների գրութեան հետ, որոնք միացել են ուղղափառ եկեղեցու հետ: Երեւանի խորհրդակցութիւնը ընկերութեան նախագիծը քննվում է ներքին գործերի միմիատրութեան մէջ: Սեպտեմբերի 24-ին համալսարանին կից բացված է ուսանողական ընկերացարան:

Խմբագիր—հրատարակող ԳՐԻԳՈՐ ԱՐՄԵՐՈՒՆԻ